



詩所第二十二卷

五言古詩

與阮德如

魏嵇康

含哀還舊廬感切傷心肝
 良時遘數子談慰臭如蘭
 疇昔恨不早既而伴舊歡
 不悟卒永離念隔增憂歎
 事故無不有別易會良難
 郢人忽已逝匠石寢不言
 澤雉窮野草靈龜樂泥蟠
 榮名穢人身高位多災患
 未若捐外累一作慮肆志養浩然
 顏氏希有虞隰子慕黃軒
 涓彭獨何人唯志在所安
 漸漬殉近欲一往不可攀
 生生在豫積勿以怵自寬
 南土旱不涼衿計宜早完
 君其愛德素行路慎風寒
 自力致所懷臨文情辛酸

五言古詩 卷二十一
答嵇康

二首

阮德如

早發溫泉廬夕宿宣陽城顧盼懷惆悵言思我友生會
遇一何幸及子邁歡情交際雖未久思愛發中誠良玉
須切磋璵璠就其形隋珠豈不曜雕瑩啓允榮與子猶
蘭石堅芳互相成庶幾行古道伐檀俟河清不謂中離
別飄飄然遠征臨輿執手訣良誨一何精佳言盈我耳
援帶以自銘唐虞曠千載三代不可并洙泗久已往微
言誰共聽曾參易簣斃仲由結其纓晉楚安足慕屢空
守以貞潛龍尚泥蟠神龜隱其靈庶保吾子言養真以
全生東野多所患暫往不久停幸子無損思逍遙以自

寧

雙美不易居嘉會故難常爰處憇斯土與子邁蘭芳常
願永遊集拊翼同迴翔不悟卒永離一別爲異鄉四牡
一何速征人告路長顧步懷想像遊目屢太行撫軫增
歎息念子安能忘恬和爲道基老氏惡強梁患至有身
災榮子知所康神龜實可樂明戒在朝腸新詩何篤穆
申詠增慨慷舒檢話良訊終然永厭藏還誓必不食復
與同故房願子盪憂慮無以情自傷俟路忘所以聊以
酬來章

與弟士龍

於承明作

晉陸機

五言古詩 卷二十一
牽世嬰時網駕言遠徂征飲餞豈異族親戚弟與兄婉
變居人思紆鬱遊子情明發遺安寐晤言涕交纓分途
長林側揮袂萬始亭亭佇盼要遐景傾耳玩餘聲南歸憇
永安北邁頓承明永安有昨軌承明子棄予俯仰悲林
薄慷慨含辛楚懷往歡絕端悼來憂成緒感別慘舒翮
思歸樂遵渚

與從弟敬遠

癸卯十二月中作

陶淵明

寢跡衡門下邈與世相絕顧盼莫誰知荆扉晝常閉淒
淒歲暮風翳翳經日雪傾耳無希聲在目皓已潔一作結
勁氣侵襟袖簞瓢謝屢設蕭索空宇中了無一可悅歷

覽千載書時時見遺烈高操非所攀深得固窮節平津
苟不由棲遲詎爲拙寄意一言外茲契誰能別

登臨海嶠與從弟惠連

四章一云登臨海嶠初發疆中作與從弟惠連可見

羊何共和之

宋謝靈運

杪秋尋遠山山遠行不近與子別山阿含酸赴脩畛中
流袂就判欲去情不忍顧望脰未惰汀曲舟已隱
隱汀絕望舟驚棹逐驚流欲抑一生歡并奔千里遊日
落當棲薄繫纜臨江樓豈惟夕情斂憶爾共淹留
淹留昔時歡復增今日歎茲情已分慮况乃協悲端秋
泉鳴北澗哀猿響南巒戚戚新別心悽悽久念攢

攢念攻別心日發清溪陰暝投剡中宿明登天姥岑高
高入雲霓還期那可尋儻遇浮丘公長絕子徽音

詒明山賓

梁昭明太子統

平仲古稱奇夷齊昔擅美今則挺伊賢東秦固多士築
室非道傍置宅歸仁里庚桑方有係原生今易擬必來
三徑人將招五經士

遺武陵王

元帝

回首望荆門驚浪且雷奔四鳥嗟長別三聲悲夜猿

貽袁常侍

江淹

昔我別楚水秋月麗秋天今君客吳坂春色縹一作春日媚

泉幽冀生碧草沅湘含翠煙鏤鏤霞上景悄悄雲外山
涉江竟何望畱滯空採蓮駐情光氣下凝怨琴瑟前珠
貝性明潤蘭玉好芳堅不以宿昔咀懷愧期暮年

寄丘三公

昔我學冠劍逢君在三川何意風雨激一訣異東西菊
秀空應奪蘭芳幾時堅常恐握手畢黯如光絕天安得
明月珠擘涕寄吳山

貽何秀才

范雲

桂葉競穿荷蒲心爭出波有鷺驚蘋芰綿蠻弄藤蘿臨
花空相望對酒不能歌聞君饒綺思摘揆足爲多布鼓

誠自鄙何事絕經過

酬范記室雲

何遜

林密戶稍陰草滋堦欲暗風光盡上輕日色花中亂相
思不獨懽佇立空爲歎清談莫共理繁文徒可玩高唱
子自輕繼音予可憚

寄何記室

王僧孺

思君不得見望望獨長嗟夜風入寒水晚露拂秋花何
由假日御暫得寄風車

春日寄鄉友

旅心已多恨春至尚離羣翠枝結斜影綠水散圓文戲

魚兩相顧遊鳥半藏雲何時不憫默是日最思君

寄江州褚諮議

何遜

自與君別離四序紛迴薄分手清江上念別猶如昨追
憶邊城遊奚尋平生樂俱登龍從嶺共坐逶迤閣清吹
或忘歸繁文時間作連鑣戲淺草遊憶遵長薄五載同
衣裘一朝異睽索夫君頗留滯驂駢未沃若伊家從入
關終是填溝壑早秋正悽愴餘暉晚銷鑠林葉下仍飛
水花披未落如何隔千里無由舉三爵因君奏采蓮爲
余吟別鶴

江津寄劉之遴

劉孝綽

與子如黃鵠將別復徘徊經過一柱觀出入三休臺共
摘雲氣藻同舉霞紋杯流一作佳人每曉遊禁門恒晚開
欲寄一言別高駕何由來

以詩代書別後寄京邑僚友

陸倕

余本水鄉士閉門江海隅時逢世道泰蹇足步高衢名
成宦雖立效微功日疎入仕乘肥馬出守擁高車關門
遊昔吏遷亭有故書江派資賢牧宗英出建旗不勞王
布鼓無賴露田車弼政非責實求名已課虛長卿病猶
在修齡疾未祛詎知亭長肉寧挂府丞魚不能未能止
內訟慙諸已僂俛從王事纒舟出淮泗朋故遠追尋暝

宿清江陰明日一分手翻飛各異林歸舟隨岸曲猶聞

歌棹音行者日超遠誰見別離心夕次洌洲岸明登慈

姥岑水流多迴復余歸良未尋江關一作中寒事早夜露

傷秋草心屬姑蘇臺日送邯鄲道葭葦日蒼蒼親知慎

早涼劉兄消渴病休攝戒無良殷弟癩眩疾行止避風

霜劉侯有餘冷宜餌陟一作休釐方伏子多風咳門冬幸

易將率更愛雅體體弱思自強吏曹勉玉潤諷議勗金

相比部多暇日奚用肆龍章建德何爲者無墮無人鄉

記室朋從暇露謁疑作謁附行商議曹坐朝罷尺板嗣徽

芳雙栖成獨宿俱飛忽異翔眷言思親友沉思結中腸

五言古詩 卷二十一 九
追惟疇昔時朝府多歡暇薄暮塵埃靜飛蓋遙相迓李
郭或同舟潘夏時方駕娛談終美景敷文永清夜促膝
豈異人戚戚皆朋姻一作婭今者一乖離濯然心事差山
川望猶近便似隔天涯玉躬子加護昭質余未虧八行
思自勉一札望來儀

詒孔中丞真

陳江總

我行五嶺表辭鄉二十年聞鶯欲動詠披霧卽依然疇
昔同寮案今隨年代改借問藏書處唯君故人在故人
名宦高霜簡肅權豪誰知懷九歎徒然泣二毛步出東
郊望心游江海上遇物便今古何爲不惆悵初晴原野
開宿雨潤條枚叢花曙後發一鳥霧中來淹留蘭蕙苑
吟嘯芳菲晚忘懷靜躁間自覺風塵遠白社聊可依青
山乍採薇鍾牙乃得性語默豈同歸

遇長安使寄裴尚書

傳聞合浦葉遠向洛陽飛北風尚嘶馬南冠獨不歸去
雲目徒送離琴手自揮秋蓬失處所春草屢芳菲太一作
歎息關山月風塵客子衣

貽韋居士

周明帝

六爻貞遯世三辰光少微潁陽去猶一作遠滄洲遂一作
去不歸風一作動秋蘭佩香一作飄蓮葉衣坐石窺仙

五言古詩 卷二十一
洞乘槎下釣磯嶺松千仞直巖泉百丈飛聊登平樂觀
遙想首陽薇儻一作能同四隱來參余萬機

奉報寄洛州

庾信

舟師會孟津甲子陣東隣雷轅驚戰鼓劔室動金神幕
府風雲氣軍門關塞人長於析鳥羽合甲抱犀鱗星芒
一丈燄月暈七重輪黎陽水稍淥官渡柳應春無庸奉
天睠驅傳牧南秦繁詞勞簡牘雜俗弊風塵上洛逢都
尉商山見逸民留滯終南下唯當一史臣

寄徐陵

故人倘思我及此平生時莫待山陽路空聞吹笛悲

寄王琳

玉關道路遠金陵信使疎獨下千行淚開君萬里書

遺源雄

隋賀若弼

交河驃騎幕合浦伏波營勿使麒麟上無我二人名

遠戍江南寄京邑親友

孫萬壽

賈誼長沙國屈平

一作原

湘水濱江南瘴癘地從來多逐

臣粵余非巧宦少小拙謀身欲飛無假翼思鳴不值晨

如何

一作誰言

載筆士翻作負戈人飄飄

一作飄

如木偶棄置

同芻狗失路乃西浮非狂亦東走晚歲出函關方春度
京口石城臨虎據天津望牛斗牛斗盛妖氛梟獍已成

羣邨超初入幕王粲始從軍裹糧楚山際披甲吳江濱
吳江一浩蕩楚山何糾紛驚波上濺日喬木下臨雲繫

越恒資辯喻蜀幾飛文魯連唯救患吾彥不爭勲一作唐彬

不競 羈遊歲月久歸思常搔首非關不樹萱豈為無杯

酒數載辭鄉縣三秋別親友壯志後風雲衰鬢先蒲柳

心緒亂如絲空懷疇昔時昔時遊帝里弱歲逢知己旅

食南館中飛蓋西園裏河間本好書東平唯愛士英辯

接天人清言洞名理一作歡娛承帝子 鳳池時寓直麟閣常遊

止勝地盛賓僚麗景相携招舟汎昆明水騎指渭津橋

袂除臨灞岸供帳出東郊宜城醞始熟陽翟曲新調繞

樹烏啼夜雒麥雉飛朝細鹿梁下落長袖掌中嬌懽娛

三樂至一作流連雅至 懷抱百憂銷夢想猶如昨尋思久寂

寥一朝牽世網萬里逐波潮迴輪常自轉懸旆不堪搖

登高視一作山川想 衿帶鄉關白雲外迴首望孤城愁人益

不平華亭宵鶴唳幽一作函 谷早鶯鳴斷絕心難續悄恍

魂屢驚羣紀通家好一作契 鄒魯故鄉情若一作倘 值南飛

鴈時能一作希 訪死生

遺于仲文

乙支文德

神策究天文妙算窮地理戰勝功既高知足願云止

詩所第二十三卷

五言古詩

嘲熱客

魏程曉

平生三伏時道路無行車閉門避暑臥出入不相過今

世一作襍只今襍子觸熱到人家主人聞客來輒感奈此何

謂當起行去安坐正咨嗟一作所說無一急啗哈一何

多疲瘞向之久甫問君極那搖扇髀中疾一作流汗正

滂沱莫謂為小事亦是一大瑕傳戒諸高明熱行宜見

呵

嘲友人

晉李充

同好齊歡愛纏綿一何深子既識我情我亦知子心燕

詩所第二十三卷

五言古詩

嘲熱客

魏程曉

平生三伏時道路無行車閉門避暑臥出入不相過今

世一作褊褊子觸熱到人家主人聞客來輒感奈此何

謂當起行去安坐正咨嗟一作所說無一急啗哈一何

多疲瘁向之久甫問君極那搖扇髀中疾一作流汗正

滂沱莫謂為小事亦是一大瑕傳戒諸高明熱行宜見

呵

嘲友人

晉李充

同好齊歡愛纏綿一何深子既識我情我亦知子心燕

婉歷年歲和樂如瑟琴良辰不我俱中闊似商參爾隔
北山陽我分南川陰嘉會罔克從積思安可任目想妍
麗姿耳存清媚音脩晝興永念遙夜獨悲吟逝將尋行
役言別泣沾襟願爾降玉趾一顧重千金

嘲府僚

宋何長瑜

陸展染鬢一作白髮欲以媚側室青青不解久星星行復
出

覺意詩賜江革

梁武帝

唯當勤精進自強行勝修豈可作底突如彼必死囚以
此告江革併及諸貴遊

戲題劉孺手板

張率東南美劉孺洛陽才攬筆便應就何事久遲回

嘲劉諮議

何遜

房櫳滅夜火牕戶映朝光妖女褰帷去蹊蹠初下牀雀
釵橫曉鬢蛾眉艷宿粧稍聞玉釧遠猶憐翠被香寧知
早朝客差池已鴈行

戲贈何記室聯句不成

江革

龍鱗無復彩鳳翅於茲鍛疇昔似翩翩今辰何乙乙

答江革

何遜

日余乏文幹逢君善草札工拙既不同神氣何由拔

又贈何記室

江革

刻猴雖言巧辯對今知章且欣共卮酒勿道濫衣裳

又答江革

何遜

棘端雖非譬至妙安可量要知同罔象然始見毫芒

嘲沈泰

刻吳閶門

陸山才

田橫感義士韓王報王臣若為畱意氣持寄禹川人

戲蕭娘

蕭一作繡

沈氏

明珠翠羽帳金薄綠綃帷因風時暫舉想像見芳姿清
晨挿步搖向晚解羅衣託意風流子佳情詎可私

戲贈沈后

陳後主

畱人不畱人不畱人也去此處不畱人自有畱人處

答後主

沈后

誰言不相憶見罷倒

一作便

成羞情知不肯住教遣

一作我

若為畱

諷真定公

一首

北魏鹿念

嶧山萬丈樹雕鏤作琵琶由此材高遠弦響藹中華
援琴起何調幽蘭與白雪絲管韻未成莫使弦響絕

示周續之祖企謝景夷三郎

時三人皆講禮校書

晉陶淵明

負病頽簷下終日無一欣藥石有時閑念我意中人相

去不尋常道路邈何因周生述孔業祖謝響然臻道喪
向千載今朝復斯聞馬隊非講肆校書亦已勤老夫有
所愛思與爾爲隣願言誨諸子從我潁水濱

示晉陵弟

梁簡文帝

零雨岐路悲送歸臨水節時事雖爲舛離憂等閒別

示吏民

元帝

闕里尚撝謙厲鄉裁知足咨余再分陝少思宜寡欲霞
出浦流紅苔生岸泉綠方知江漢士變爲鄒魯俗

夕望江橋示蕭諮議楊建康江主簿

何遜

夕鳥已西度殘霞亦半消風聲動密竹水影漾長橋旅
人多憂思寒江復寂寥爾情深鞏洛予念返漁樵何因
適歸願分路一揚鑣

示程伯達

北魏胡叟

羣犬吠新客佞闈

一作暗

排疎賓直途既已塞曲路非所

遵望衛惋祝鮀盼楚悼靈均何用宣憂懷託翰寄輔仁

示封中錄

二首

周庾信

貴館居金谷關扃隔藁街冀君見果顧郊間光景佳
高階旣激澗廣閣更交柯葛巾久乖角菊逕簡經過

上益州上柱國趙王

二首

五言古詩 卷二十三 四
銅梁影棠樹石鏡寫寒帷兩江如清錦雙峰似畫眉穿
荷低晚蓋衰柳挂殘絲風流盛儒雅泉湧富文詞無因
同子淑暫得侍臨淄

寂寞歲陰窮蒼茫雲貌同鶴毛飄亂雪車轂轉飛蓬鴈
歸知向暖鳥巢解背風寒沙兩岸白獵火一山紅願想
懸鶉弊時嗟陋巷空

讚德上越國公楊素

隋陳子良

君侯稱上宰命世挺才英本超騏驎足復蘊風雲情攄
藻揆錦綺育德潤瑤瓊已踵四知舉非無三傑名濟世
同舟楫匡政本阿衡雍容入青瑗肅穆侍丹楹桂宮擅

鳴珮槐路獨飛纓高門羅虎戟綺閣麗彫甍金罇酌湛
湛歌扇掩盈盈匈奴軼燕薊烽火照幽并天子命薄伐
受脤事專征七德播雄略十萬騁行兵鴈行蔽虜甸魚
貫出長城交河方飲馬瀚海盛揚旌拔劍倚天外象犀
輝日精彎弧穿伏石揮戈斬大鯨鼓鼙朝作氣刁斗夜
偏鳴六郡多壯士三邊豈足平嶺雲朝合陣山月夜臨
營胡塵暗馬色芳樹動笳聲關雲未盡散塞霧常自生
川長蔓草綠峯迴雜花明小人愧王氏雕文慙馬卿濫
此叨書記何以謝過榮高山徒仰止終是恨才輕

思友人

晉曹攄

密雲翳陽景霖潦淹

浩一作

庭除巖霜彫翠草寒風振纖

枯凜凜天氣清落落卉木疎感時歌蟋蟀思賢詠白駒
情隨玄陰滯心與迴颿俱思心何所懷懷我歐陽子精
義測神奧清機發妙理自我別旬朔微言絕于耳寒裳
不足難清揚未可俟延首出階檐佇立增想似

懷遠人

宋鮑照

哀樂生有端離會起無因去事難重念恍惚似如神屬
期眇起遠後遇邈無辰馳風掃遙路輕蘿含夕塵思君
成首疾欲息眷不伸

懷故人

齊謝朓

芳洲有杜若可以贈佳期望望忽超遠何由見所思行
行未千里山川已間之離居方歲月故人不在茲清風
動簾夜孤月照牕時安得同携手酌酒賦新詩

至牛渚憶魏少英

梁王僧孺

楓林暖似畫沙岸淨如掃空籠望懸石回斜見危島綠
草間遊蜂青葭集輕鶉徘徊洞初月浸淫瀆春潦非願
歲物華徒用風光好

憶費昶

吳均

皎皎日將上獵獵起微風山沒清波內帆在浮雲中直
趣珠星北斜開碧海東故人若思我當念離根蓬

五言古詩 卷二十三
六
從主移西州寓直齋內霖雨不晴懷郡中遊聚

何遜

寓直慚虎賁沈迷豈職事
祈祈寒枝動濛濛秋雨駛
不見眼中人空想山南寺
雙桐傍欄上長楊夾門植
夙昔構良遊接膝同懽志
東西忽爲阻向隅懷獨思
颯颯履聲喧擾擾羣分異
臥聞復雷響坐視重局秘
欲寄一行書何解三秋意

晚景遊泛懷友

蕭鈞

龍開依御溝鳳轄轉芳洲
雲峯初辨夏麥氣早迎秋
山翠餘烟積川平晚照收
浪隨文鷁轉渡逐彩鴛浮
風花

轉未落巖泉咽不流一辭金谷苑空想

一作思

竹林遊

憶虞弟

劉孝綽

下邑非上郡徒然想二馮
余慙野王德爾勗聖鄉風
望望餘塗盡悽悽良宴終
朝蔬一不共夜被何由同

寓居公廨懷何秀才

高爽

寄止鄰城闕徒然失遊聚
臥聞雜沓路坐對空寂宇
風扉乍開闔粉蝶時翻舞
若人不在茲煩憂何得愈

過歷山湛長史草堂

宋南平王鑠

茲嶽蘊虛詭憑覽趣亦贍
九峯相接連五渚逆縈浸
層阿疲且引絕巖暢方禁
溜衆夏更寒林交晝常蔭
伊余

五言古詩 卷二十三
久緇涅復得味恬淡願遂安期生於焉愜高枕

歷山草堂

應教

湛茂之

閉戶守玄漠無復車馬跡哀廢歸丘焚歲寒見松栢身
慙睢陽老名忝梁園客習隱非朝市追常在山澤離離
插天樹磊磊間雲石持此怡一生傷哉駒度隙

詣周承不值因贈此詩

梁吳均

竹枝任風轉蘭心逐風卷青雲葉上團白露花中泣聞
君入騎疎聊寄錦中書一隨平原客寧憶豫章徐

劉博士江丞朱從事同顧不值作

何遜

故人篤久要新知從暮室崎嶇枉道過邂逅幽人出心

期不會面懷之成首疾向夕敞山扉臨窻玩餘帙蜘蛛
正網戶落花紛入膝浸淫水上風蔽虧霞中日良辰一
隼手任坐無儔匹劉侯務屬書江生勤下筆朱君博辭
理去去追名實是顧一參差何能更蓬華吾人少拘礙
得性便遊逸方欲俟褰裳相從懽道術

就謝主簿宿

江淹

季月寒氣重滋蘭錯無芳北風漂夜色河凝澁如霜悵
哉心神晚燭滅此深堂芟衣如可贈寧濕岨雲梁

尋沈剡 夕至嵯亭

虞騫

命楫尋嘉會信次歷山原捫天上雲紉舉

一作

石下雷

奔澄潭寫度鳥空嶺應鳴猿榜歌唱將夕商子處方昏
尋周處士弘讓
庾肩吾

試逐赤松遊披林對一丘梨紅大谷晚桂白小山秋石
鏡菱花發桐門琴曲愁一作泉飛疑度雨雲積似重樓
王孫若不去山中定可留

還草堂尋處士弟

陳周弘正

四時易荏苒百齡倏將半故老多零落山僧盡凋散宿
樹倒爲杳舊水侵成岸幽尋屬令弟依然歸舊館感物
自多傷况乃春鶯亂

夏晚尋于政世置酒賦韻

隋陳子良

聊從嘉邈所酌醴共抽簪以茲山水地留連風月心長
榆落照盡高柳暮蟬吟一返桃源路別後難追尋

南樓中望所遲客

宋謝靈運

杳杳日西頽漫漫長路迫登樓爲誰思臨江遲來客與
我別所期期在三五夕圓景早已滿佳人殊一作未適
卽事怨睽携感物方悽感孟夏非長夜晦明如歲隔瑤
華未堪折蘭苕已屢摘路阻莫贈問云何慰離析搔首
訪行人引領異良覲

郭桐廬出谿口見候余旣未至郭仍進村維舟久
之郭生方至
梁任昉

五言古詩 卷二十三 九
朝發富春渚蓄意忍相思
涿令行春返冠蓋溢川坻
望久方來萃悲懽不自持
滄江路窮此湍險方自茲
疊嶂易成響重以夜猿悲
客心幸自弭中道遇心期
親好自斯絕孤遊從此辭

迎柳吳興道中

吳均

團團日西靡客念已蹉跎
長風倒危葉輕練網寒波
白雲光彩麗青松意氣多
所言飽恩德忘我北山蘿

夜夢故人

何遜

客心驚夜夢言與故人同
開簾覺水動映竹見牀空
浦口望斜月洲外聞長風
九秋時未晚千里路難窮
已如

臃腫木復似飄飄蓬
相思不可寄直在寸心中

留劉真人東山還

沈約

連峯竟無已積翠遠微微
寥戾野風急芸黃秋草非
我來歲云暮於此悵懷歸
霜雪方共下寧止露霑衣
待余兩岐秀去去掩柴扉

徐報使來止得一相見

周庾信

一面還千里相思那得論
更尋終不見無異桃花源

以服散鎗贈殷鈞

梁吳均

玉鉉布交文金丹煥仙說
九沸翻成緩七轉良爲切
執以代疏麻長貽故人別

詠有人乞牛舌乳不付因餉檳榔 劉孝綽

陳乳何能貴爛舌不成珍空持渝皓齒非但汗丹唇別
有無枝實曾要湛上人羞比朱櫻熟詎易紫梨津莫言
蒂中久當看心裏新微芳雖不足含咀願相親

寄建安太守到漑乞二彩段 任昉

鐵錢兩當一百易代名實為惠當及時無待涼秋日

答任昉 到漑

子衣本百結閩中徒八蠶假令金如粟詎使廉夫貪

餉任新安班竹杖因贈

邛竹藉舊聞靈壽資前識復有冒霜筠寄生桂潭側文

彩既斑爛質性甚綢直所以天天真為有乘危力未嘗
以過投屢經芸苗植

答到建安餉杖 任昉

故人有所贈稱以冒霜筠定是湘妃淚潛灑遂隣彬扶
危復防咽事歸薄暮人勞君尚齒意矜此杖鄉辰復資
後坐一作生彦候余方欠伸獻君千里笑紆我百憂嘖坐
適雖有器臥遊苦無津何由乘此竹直見平生親

為羊兗州家人答餉鏡 陳徐陵

信來贈寶鏡亭亭似團月鏡久自逾明人久情愈歇取
鏡挂空臺於今莫復開不見孤鸞鳥香魂何處來

五言古詩 卷二十三 十一
正旦蒙趙王賚酒

周庾信

正旦辟惡酒新年長命杯
柏葉隨銘至椒花逐頌來
流星向椀落浮蟻對春開
成都已救火蜀使何時廻

蒙賜酒

金膏下帝臺玉曆在蓬萊
仙人一遇飲分得兩三杯
忽聞桑葉落正值菊花開
阮籍披衣進王戎含笑來
從今覓仙藥不假向瑤臺

奉報趙王惠酒

梁王修竹園冠蓋風塵喧
行人忽枉道直進桃花源
稚子還羞出驚妻倒閉門
始聞傳上命定是賜中樽
野鑪

然樹葉山杯捧竹根
風池還更煖寒谷遂長暄
未知稻梁鴈何時能報恩

奉答賜酒

仙童下赤城仙酒餉王平
野人相就飲山鳥一羣驚
細雪翻沙下寒風戰鼓鳴
此時逢一醉應枯反更榮

答王司空餉酒

今日小園中桃花數樹紅
開君一壺酒細酌對春風
未能扶畢卓猶足舞王戎
仙人一捧露判不及杯中

衛王贈桑落酒奉答

愁人坐狹斜喜得送流霞
跂窻催酒熟停杯待菊花
霜

五言古詩 卷二十三
風亂飄葉寒水細澄沙高陽今日晚應有接羅斜

奉答賜酒鵞

雲光偏亂眼風聲特噤心冷猿披雪嘯寒魚抱凍沉今
朝一壺酒寔是勝千金負恩無以謝惟知就竹林

就蒲州使君乞酒

蕭瑟風聲慘蒼茫雪貌愁鳥寒栖不定池凝聚未流蒲
城桑葉落灞岸菊花秋願持河朔飲分勸東陵侯

蒲州刺史中山公許乞酒一車未送

細柳望蒲臺長河始一廻秋桑幾過落春蟻未曾開塋
角非難馭槌輪稍可催只言千日飲舊逐中山來

謝賜合歡果

隋吳絳仙

驛騎馳雙果君王寵念深寧知辭帝里無復合歡心

問來使

晉陶淵明

爾從山中來早晚發天目我屋南山下今生幾叢菊
薈薇葉已抽秋蘭氣當馥歸去來山中酒應熟

失題 三首

魏應璩

漢末桓帝時郎有馬子侯自謂識音律請客鳴笙竽爲
作陌上桑反言鳳將雛左右僞稱善亦復自搖頭
大官有餘尉大小無不賣豈徒脯與腊醯醬及鹽豉
野田何紛紛城郭何落落埋塚嫁娶家皆是商旅客喪

側食不飽酒肉紛狼藉

失題

晉陸機

老蠶晚績縮老女晚見骨曾不如老鼠翻飛成蝙蝠

失題

習鑿齒

大鵬自南來衆鳥皆戢翼向從東老鴟脯脯低頭食

失題

湛方生

發鞍據平陸秣馬青山阿濁酒枯魚鼎是食何必過

詩所第二十三卷

終

詩所第二十四卷

五言古詩

答弟叔夜

二首

魏嵇喜

華堂臨浚沼靈芝茂清泉仰瞻青禽翔俯察綠水濱逍
遙步蘭渚感物懷古人李叟寄周朝莊生遊漆園時至
忽蟬蛻變化無常端

君子體變通否泰非常理當流則義行時遊則鵲起達
者鑒通塞盛衰爲表裏列仙狗生命松喬安足齒縱軀
任世度至人不私已

達人與物化世俗安可論都邑可優游何必棲山原孔
父策良駟不云世路難出處因時資潛躍無常端保心

守道居視變安能遷

答程曉

晉傅玄

羲和運玉衡招搖賦朔旬嘉慶形三朝美德揚初春聖
主加元服萬國望威神伊周敷玄化並世霑天人洪崖
歌山岫許由嗟水濱

答張士然

陸機

潔身躋秘閣秘閣峻且玄終朝理文案薄暮不遑眠駕
言巡明祀致敬在祈年逍遙春王圃一作躑躅千畝田
迴渠繞曲陌通波扶直阡嘉穀垂重穎芳樹發華顛余
固水鄉士總轡臨清淵戚戚多遠念行行遂成篇

前題

陸雲

行邁越長川飄飄冒風塵通波激枉渚悲風薄丘榛修
路無窮迹井邑自相循百城各異俗千室非良鄰歡舊
難假合風土豈虛親感念桑梓域髣髴眼中人靡靡日
夜遠眷眷懷苦辛

答楊士安

潘尼

逝將辭儲宮棲遲集南畿不悞百里賤徒惜年志衰躑
躅顧城闕怨戀慕端闈俊德貽妙詩敷藻發清徽媿彼
褒崇過感此岐路悲

答傅咸

郭泰機

王言古詩 卷二十四
皦皦白素絲織爲寒女衣寒女雖妙巧不得秉杼機天
寒知運速况復鴈南飛衣工秉刀尺棄我忽若遺人不
取諸身世事焉所希况復已朝餐曷由知我饑

答魏子悌

盧湛

崇臺非一榦珍裘非一腋多士成大業羣賢濟弘績遇
蒙時來會聊齊朝彥跡顧此腹背羽愧彼排虛翮寄身
蔭四嶽託好憑三益傾蓋雖終朝大分邁疇昔在危每
同險處安不異易俱涉晉昌艱共更飛狐厄恩由契闊
生義隨周旋積豈謂鄉曲譽謬充本州役乖離令我感
悲欣使情惕理以精神通匪曰形骸隔妙詩申篤好清
義貫幽蹟恨無隨侯珠以酬荆文璧

答許掾

王羲之

取懽仁智樂寄暢山水陰清泠澗下瀨歷落松竹林

答龐參軍

序曰三復來貺欲罷不能自爾隣曲冬
春再交欸然良對忽成舊遊俗諺云數

而成親舊况情過此者乎人事好乖便當語離
楊公所歎豈惟常悲吾抱疾多年不復爲文本
既不豐復老病繼之輒依周孔
往復之義且爲別後相思之資

陶淵明

相知何必舊傾蓋定前言有客賞我趣每每顧林園談
諧無俗調所說聖人篇或有數斗酒閒飲自懽然我寔
幽居士無復東西緣物新人惟舊弱毫多所宣情通萬
里外形迹滯江山君其愛體素來會在何年

酬劉柴桑

窮居寡人用時忘四運周櫛庭多落葉慨然知已秋新
葵鬱北牖嘉穉養南疇今我不為樂知有來歲不命室
攜童弱良日遠登遊

答謝惠連

宋謝靈運

懷人行千里我勞盈十旬別時花灼灼別後葉蓁蓁

答靈運

一云答康樂秋霽詩

謝瞻

夕霽風氣涼閒房有餘清開軒滅華燭月露皓

一作皓已

盈獨夜無物役寢者亦云寧忽獲愁霖唱懷勞奏所誠

一作歎彼行旅艱深茲眷言情伊余雖寡慰殷憂暫為

輕牽率酬嘉藻長揖愧吾生

於安城答靈運

五章

條繁林彌蔚波清源逾濬華宗誕吾秀之子紹前胤綢

繆結風微烟煜吐芳訊鴻漸隨事變雲臺與年峻

雲一作靈

華萼相光飾嚶鳴

一作嚶

悅同響親親子敦余

一作敦賢賢

吾爾賞比景後鮮輝方年一日長萎葉愛榮條涸流好

河廣

狗業謝成操復禮愧貧樂幸會果代耕符守江南曲履

運傷荏苒遵塗歎緬邈布懷存所欽我勞一何篤

肇允雖同規翻飛各異槩迢遞封畿外窈窕承明內尋

塗塗旣睽卽理理已對絲路有恒悲矧迺在吾愛已一作亦
跬行安步武鍛翮周數仞豈不識高遠違方往有吝歲
寒霜雪巖過半路逾峻量已畏友朋勇退不敢進行矣
勵令猷寫誠酬來訊

答客

鮑照

幽居屬有念含意未連詞會客從外來問君何所思澄
神自惆悵嘿慮久迴疑謂賓少安席方爲子陳之我以
葦門士負學謝前基愛賞好徧越放縱少矜持專求遂
性樂不計緝名期歡至獨斟酒憂來輒賦詩聲交稍希
歇此意更堅滋浮生急馳電物道險絃絲深憂寡情謬
進伏兩睽時願賜卜身要得免後賢嗤

答王世子

齊謝朓

飛雪天山來飄聚繩樞外蒼雲暗九重北風吹萬籟有
酒招親朋思與清顏會熊席惟爾安羔裘豈吾帶公子
不垂堂誰肯憐蕭艾

答張齊興

荆山從百里漢廣流無極北馳星斗正南望朝雲色川
隰同幽快冠冕異今昔子肅兩岐功我滯三冬職誰知
京洛念彷彿昆山側向夕登城濠潛池隱復直地迴聞
遙蟬天長望歸翼清文忽景麗思泉紛寶飾勿言修路

五言古詩 卷二十四 五
阻勉子康衢力曾厓寂且寥歸軫逝言陟

酬王晉安

稍稍枝早勁塗塗露晚晞南中榮橘柚寧知鴻鴈飛拂
霧朝青閣日旰坐彤闈悵望一途阻參差百慮依春草
秋更綠公子未西歸誰能久京洛緇塵染素衣

郡內高齋閒望答呂僧珍

時僧珍爲齊王法曹

結構何迢遞曠望極高深牕中列遠岫庭際俯喬林日
出衆鳥散山暝孤猿吟已有池上酌復此風中琴非君
美無度孰爲勞寸心惠而能好我問以瑤華音若遺金
門步見就玉山岑

奉答內兄希叔

五章

陸厥

嘉惠承帝子躡履奉王孫屬叨金馬署又點銅龍門出
入平津邸一見孟嘗尊歸來翳桑柘朝夕異涼溫

殂落固云是寂蔑終如斯杜門清三逕坐檻臨曲池鳧
鵠嘯儔侶荷芰始參差雖無田田葉及爾汎漣漪

春華與秋實庶子及家臣王門所以貴自古多俊民離
宮收杞梓萃屋富徐陳平旦上林苑日入伊水濱

書記旣翩翩賦歌能妙絕相如慙溫麗子雲慙筆札駿
足思長坂柴車畏危轍愧茲山陽讌空此河陽別

平原十日飲中散千里遊渤海方淫滯宜城誰獻酬屏

居南山下臨此歲方秋惜哉時不與日暮無輕舟

答蕭琛

梁武帝

雖云早契闊乃自非同志勿談興運初且道狂奴異

池上酬劉記室

江淹

戚戚憂可結結憂視春暮紫荷漸曲池臯蘭覆徑路葱
舊亘華堂益葢葢雜綺樹為此久佇立容易光陰度水館
次文一作羽山葉下暝露懷賞入舊襟悅物覽新賦惜
我無雕文報章慙復素

答何徵君

任昉

散誕羈鞅一作外拘束名教裏得性千乘同山林無一作

亦朝市勿以耕蠶貴空笑易農士宿昔仰高山超然絕

塵軌傾壺已等藥命管亦齊喜一作壺已等藥無為嘆

獨遊若終路一作方同止

酬蕭新浦王洗馬

吳均

始可結交者文酒滿金壺圍碁帝臺局繫馬秦王蒲長
劍皆玉具短笛悉銀塗送歸日愁滿留客袂紛吾今成
桓山上秋風星散鳥

思君出江湄慷慨臨長薄獨對東風酒誰舉指南酌崇
蘭白帶飛青鷁紫纓絡一年流淚同萬里相思各胡為
舍旃去故人在宛洛

酬周叅軍

日暮憂人起倚戶，悵無懽水傳洞庭。遠風送鴈門寒江，南霜雪重相如衣服單。沈雲隱喬一作高樹，細雨滅層巒。且當對樽酒，朱絃永夜彈。

酬郭臨丞

聞君立名義，我亦倦晨征。馬在城上蹀，劍自腰中鳴。白日遼川暗，黃塵隴坻驚。願君但銜酒，深知有素誠。

江上酬鮑幾

振棹出江湄，依依望九疑。欲謁蒼梧帝，過問沅湘姬。折荷縫作蓋，落羽紡成絲。吾行別有意，不爲君道之。

石頭答庾郎丹

何遜

高樹蔭樓密，細草綠成被。黃鸝隱葉飛，蛺蝶縈空戲。陰岑自爾悅，寂寥予罕寄。相如阻禁闈，何由從簡易。

敬酬王明府僧孺

星稀初可見，月出未成光。澄江照遠火，夕霞隱連檣。賤軀臨不測，玉體畏垂堂。念別已零淚，況乃思故鄉。

答高博士

北窻涼夏首，幽居多卉木。飛蜨一作蝶弄晚花，清池映疎

竹。爲宴得快性，安閒聊鼓腹。將子厭囂塵，就予開耳目。

酬陸長史倕

劉孝綽

王粲始一別猶且歎風雲况余屢之遠與子亟離羣如

何持此念復為今日分分悲宛一作如昨弦望殊揮霍

行舟雖不見行程猶可度度君路應遠期寄新詩返相

望且相思勞朝復勞晚薄暮聞人進果得承芳信殷勤

覽妙書留連披雅韻列洲一作財賦總慈山行旅鎮已

切臨睨情遽動思歸引歸歎不可即前途方未極覽諷

欲諼誚研尋還慨息來喻勗雕金比質非所任虛薄無

時用徘徊守故林屏居青門外結宇瀟城陰竹庭已南

映池牖復東臨喬柯貫簷上垂條拂戶陰條開風暫入

葉合影還沈帷屏溽早露階霑擾昏禽衡門謝車馬賓

席簡衣簪雖愧陽陵一作曲寧無流水琴蕭條聊屬和

寂寞少知音平生竟何托懷抱共君深一朝四美廢方

見百憂侵日余濫官守因之泝廬久一作水接淺原陰

山帶荆門右從容少職事疲病疎僚友命駕獨尋幽淹

留宿廬阜廬阜擅高名岩岩凌太清舒雲類紫府標霞

同赤城北上輪難進東封馬易驚未若茲山險車騎息

逢迎山橫路似絕徑側樹如傾蒙籠乍一啓礫碓無暫

平倚巖忽迴望援蘿遂上征乍觀秦帝石復憇周王城

交峯隱玉雷對澗距金楹風傳鳳臺瑄雲度洛濱笙紫

書時不至丹爐且未成無因追羽翮及爾宴蓬瀛蓬瀛

不可託悵然反城郭時過馬鳴院偶憇鹿園閣既異人
 世勞聊比化城樂影塔圖花樹經臺總香藥月殿曜朱
 旛風輪和寶鐸園援一作垣即重嶺階基仍巨壑朝援一作
溪響薨棟夜水聲帷薄餘景鶩登臨方宵盡談謔談謔
 有名僧慧義似傳燈遠師教逾闡生公道復弘小乘非
 汲引法善招報能積迷頓已悟為歡得未曾為懽誠已
 往坐臥猶懷想况復心所積一作親茲地多諧賞惜哉無
 輕軸更泛輪湖上可思不可見離念空盈蕩賈生傳南
 國平子相東阿優游匡贊罷縱橫辭賦多方才幸同貫
 無令絕詠歌幽谷雖云阻煩君計吏過

答張左西

相思如三月相望非兩宮持此連枝樹暫作背飛鴻若
 人患思我搗藻蔚雕蟲仙掌方晞露靈鳥正轉風方假
 排虛翮相與北山叢

答張貞成臯

裴子野

匈奴時未滅連年被甲兵明君思將帥方聽鼓鞀聲吾
 生恣逸翮撫劍起徂征非徒慕辛季聊欲逞良平出車
 旣方軌絕幕且橫行豈伊長纓繫行見黃河清雖令懦
 夫勇念別猶有情感子盈編贈握玩以為榮跂予振旅
 凱含毫備勒銘

酬江總

劉之遴

上位居崇禮寺署鄰栖息忌聞曉騶唱每畏晨光掩高
談意未窮晤對賞無極探志共遨遊休沐忘退食曷用
銷鄙吝枉趾覲顏色上下數千載揚摧吐胸臆

古意訓到長史漑

一云登邛邪城

徐悝

甘泉警烽候上谷抵

一作拒

樓蘭此江稱豁險茲山復鬱

盤表裏窮形勝襟帶盡巖巒修篁壯下屬危樓峻上干
登陴起遐望回首見長安金溝朝灞澹甬道入鴛鸞鮮
車驚華轂汗馬躍銀鞍少年負壯氣耿介立衝冠懷紀
燕山石思開函谷丸豈如灞上戲羞取路傍觀寄言封

侯者數竒良可歎

答林法師

一作江總

陳周弘正

客行七十歲歲暮遠徂征塞雲結一作疑不解隴水凍無
聲君看日近遠為忖長安城

將命至鄴酬祖正員

周庾信

我皇臨九有聲教洎無隄興文盛禮樂偃武息氓黎承
乏驅騏驥旌旗事琬珪一作旌旆古碑文字盡荒城年
代迷被隴文瓜熟交媵香穗低投瓊實有慰報李更無
蹊

答譙王

隋于仲文

五言古詩 卷二十四
梧臺開廣宴竹苑列英賢景差方入楚樂毅始遊燕折
角揮談柄重席吐言泉武騎初擣翰文學正題鞭玉徽
調綠綺璧散沈青田晚霞澹遠岫落景藻長川未陪東
閣賞獨詠西園篇

答楊世子

孫萬壽

太華五千仞長河九萬里山川每蘊玉人物多君子丞
相朝所宗太尉國之紀若人惟傑出濟世承餘祉趨庭
遵教義博物兼文史竒聲振宛洛雅論窮名理伊余苦
疲病寂寞罕賓遊不言驅駟馬於焉訪一丘縞紵始云
贈膠漆乃相投伏枕空長想驂蹇遂無由忽此承來翰
華藻殊輝煥雖則濫吹噓可以蠲憂歎懷袖終不滅掌
握方留翫和風初應律山鶯已復新芳菲徒自好節物
不關人勞歌雖有曲無以報陽春

酬陸常侍

王胄

相知四十年別離萬餘里君留五湖曲余去三河渙寒
松君後凋溺灰余僅死何言西北雲復覲東南美深交
不忘故飛觴敦宴喜贈藻發中情竒音邁流徵追惟中
歲日於斯同憇止思之宛如昨倏焉逾二紀疇昔多朋
好一旦埋蒿里無人莫已知有慟傷知己把臂還相泣
歸然吾與子霑襟行自念哀哉亦已矣吾歸在漆園著

五言古詩 卷二十四
書試詞一作經理勞息乃殊致存亾寧異軌大路不能遵
咄哉情可鄙

答賀屬

外黃初邸客蜀郡晚琴聲本欲從張耳何曾說馬卿定
知遊道日非是第如行高文擬雜珮善謔間瑤瓊前書
言家室末敘挂簪纓問仁寧伐國揚波豈亂清聞有陽

臺客

一作曲

常留入夢情無爲

一作由

嗟獨割空引助庖名

答江學士協

周若水

弱齡愛丘壑與子亟忘歸開襟對泉石携手翫芳菲忽
聞朝市變斯樂眇難追意氣酒中改容顏鏡裏衰祁寒
傷暮節落景促餘暉野曠蓬常轉林遙鳥倦飛故友輕
金玉萬里嗣音徽鄉關不可望客淚徒霑衣

答樂記室憶江水

庾抱

遙想觀濤處猶意採蓮歌無因關塞葉共下洞庭波

詩所第二十五卷

五言古詩

讌譙作

魏文帝

清夜延貴客明燭發高光豐膳漫星陳旨酒盈玉觴絃

歌奏新曲游響拂丹梁餘一作繁音赴迅節慷慨時激揚

獻酬紛交錯雅舞何鏘鏘羅纓從風飛長劔自低昂穆

穆衆君子一作有北和合同樂康有北生高閣下延賓作名倡

孟津讌

良辰啓初節高會構一作極歡娛通天拂景雲俯臨四達

衢羽爵浮象樽珍膳盈豆區清歌發妙曲樂正奏笙竽

曜靈忽西邁炎燭繼望舒翊日浮黃河長驅旋鄴都

五言古詩 卷二十五
公讌詩

陳思王植

公子敬愛客終宴不知疲清夜遊西園飛蓋相追隨明月澄清影列宿正參差秋蘭被長坂朱華冒綠池潛魚躍清波好鳥鳴高枝神飆接丹轂輕輦隨風移飄颻放志意千秋長若斯

前題

王粲

昊天降豐澤百卉挺歲蕤涼風撤蒸暑清雲却炎暉高會君子堂並坐蔭華棖嘉肴充圓方旨酒盈金罍管絃發徽音曲度清且悲合坐同所樂但慙栝行遲常聞詩人語不醉且無歸今日不極歡含情欲待誰見眷良不翅守分豈能違古人有遺言君子福所綏願我賢主人與天享巍巍克符周公業奕世不可追

前題

劉楨

永日行遊戲歡樂猶未央遷思在玄夜相與復翱翔輦車飛素蓋從者盈路傍月出照園中珍木鬱蒼蒼清川過石渠流波爲熒防芙蓉散其華菡萏溢金塘靈鳥宿水裔仁獸遊飛梁華館寄流波豁達來風涼生平未始聞歌之安能詳投翰長歎息綺麗不可忘

前題

應瑒

巍巍主人德佳會被四方開館延羣士置酒于斯堂辨

論釋鬱結援筆興文章穆穆衆君子好合同歡康促坐
褰重帷傳滿騰羽觴

前題

阮瑀

陽春和氣動賢主以崇仁布惠綏人物降愛常所親上
堂相娛樂中外奉時珍五味風雨集杯酌若浮雲

侍太子宴

陳思王植

白日曜青春時雨靜飛塵寒水碎炎景一作涼風飄我
身清醴盈金觴餽饌縱橫陳齊人進奇一作樂歌者出
西秦翩翩我公子機巧忽若神

宴會

陳琳

凱風飄陰雲白日揚素暉良友招我遊高會宴中闈玄
鶴浮清泉綺樹煥青蕤

侍五官中郎將建章臺宴集

應瑒

朝鴈鳴雲中音響一何哀問子遊何鄉戢翼正徘徊言
我塞門來將就衡陽棲往春翔北土今冬客南淮遠行
蒙霜雪毛羽日摧頽常恐傷肌骨身隕沈黃泥簡珠墮
沙石何能中自諧欲因雲雨會濯翼陵高梯良遇不可
值伸眉路何階公子敬愛客樂飲不知疲和顏既已暢
乃肯顧細微贈詩見存慰小子非所宜且爲極懽情不
醉其無歸凡百敬爾位以副饑渴懷

酒會詩

嵇康

樂哉苑中遊周覽無窮已百卉吐芳華崇基邈高跼林木紛交錯玄池戲魴鯉輕丸斃翔禽織綸出鱸鮓坐中發美讚異氣同音軌臨川獻清醕微歌發皓齒素琴揮雅操清聲隨風起斯會豈不樂恨無東野子酒中念幽人守故彌終始但當體七絃寄心在知己

宴詩

晉傅玄

鸞鳥晞鳳皇望舒繼白日千秋邁嘉會來升君子室華樽享清醕珍肴自盈溢

金谷集詩

石崇序曰余以元康六年從太僕卿出為使持節監青徐諸軍事征虜將軍有

別廬在河南縣界金谷澗中或高或下有清泉茂林衆果竹柏藥草之屬莫不畢備又有水碓魚池土窟其為娛目歡心之物備矣時征西大將軍祭酒王詡當還長安余與衆賢共送往澗中晝夜遊宴屢遷其坐或登高臨下或列坐水濱時琴瑟笙筑合載車中道路並作及住令與鼓吹遞奏遂各賦詩以敘中懷或不能者罰酒三斗感性命之不永懼凋落之無期故具列時人官號姓名年紀又寫詩著後

潘岳

王生和鼎實石子鎮海沂親友各言邁中心悵有違何以敘離思携手游郊畿朝發晉京陽夕次金谷湄迴谿

縈曲阻峻阪路威夷綠池泛淡淡青柳何依依濫泉龍

鱗瀾一作澗激波連珠揮前庭樹沙棠後園植烏桺靈囿

繁石一作若榴茂林列芳梨飲至臨華沼遷坐登隆坻玄

醴染朱顏但愬杯行遲揚桴撫靈鼓簫管清且悲春榮

誰不慕一作歲寒良獨希投分寄石友白首同所歸

皇太子集 應令

潘尼

皇朝命方岳爪牙司北隣皇儲延篤愛設餞送遠賓誰

應今日宴具惟廊廟臣置酒宣猷庭擊鼓靈沼濱羽觴

飛醪醲芳饌備奇珍巴渝二八奏妙舞鼓鐸振長祛一作

生迴飈曲裾揚輕塵沼濱下有霑恩洽明兩遭德

蘭亭集詩

王羲之序曰永和九年歲在癸丑暮春

羣賢畢至少長咸集此地有崇山峻嶺茂林修竹又有清流激湍映帶左右引以為流觴曲水

列坐其次雖無絲竹管弦之盛一觴一詠亦足以暢敘幽情是日也天朗氣清惠風和暢仰觀

宇宙之大俯察品類之盛所以遊目騁懷足以極視聽之娛信可樂也夫人之相與俯仰一世

或取諸懷抱悟言一室之內或因託所寄放浪形骸之外雖趣舍萬殊靜躁不同當其欣於所

遇暫得于已快然自足不知老之將至及其所之既倦情隨事遷感慨係之矣向之所欣俛仰

之間以為陳迹猶不能不以之興懷况修短隨化終期於盡古人云死生亦大矣豈不痛哉每

攬昔人興感之由若合一契未嘗不臨文嗟悼不能喻之於懷固知一死生為虛誕齊彭殤為

妄作後之視今亦猶今之視昔悲夫故列敘時人錄其所述雖世殊事異所以興懷其致一也

後之攬者亦將有感於斯文

右將軍王羲之

仰視碧天際俯瞰淥水濱寥閬無涯觀寓目理自陳大

矣造化工萬殊莫不均羣籟雖參差適我無非親

瑯琊王友謝安

相與欣佳節率爾同寒裳薄雲羅景物微風翼輕航醇
醪陶丹府兀若遊羲唐萬殊混一理安復覺彭殤

司徒右西屬謝萬

司冥卷陰旗句芒舒陽旌靈液被九區光風扇鮮榮碧
林輝翠萼紅葩擢新莖翔禽撫翰游騰鱗躍清泠

前餘姚令孫統

地主觀山水仰尋幽人踪回沼激中達疎竹間脩桐因
流轉輕觴冷風颺落松時禽吟長澗萬籟吹連峯

左司馬孫綽

流風拂枉渚停雲蔭九臯鶯語吟修竹游鱗戲瀾濤携
筆落雲藻微言剖纖毫時珍豈不甘忘味在聞韶

中軍參軍孫嗣

望巖懷逸許臨流想奇莊誰云真風絕千載挹餘一作遺
芳

散騎常侍郗曇

温風起東谷和氣振柔條端坐興遠想薄言遊近郊

穎川庾蘊

仰想虛舟說俯歎世上賓朝榮雖云樂夕斃理自因
行參軍曹茂之

五言古詩 卷二十五 六
時來誰不懷寄散山林間尚想方外賓迢迢有餘閒
榮陽桓偉

主人雖無懷應物貴有尚宣尼遨沂津蕭然心神王數
子各言志曾生發清唱今我欣斯遊愠情亦暫暢

陳郡袁嶠之

四眺華林茂俯仰晴

清一作

川渙激水流芳醪豁爾累心

散遐想逸民軌遺音良可玩古人詠舞雩今也同斯歎

王玄之

松竹挺巖崖幽澗激清流消散肆情志酣暢豁滯憂

王凝之

烟煴柔風扇熙怡和氣淳駕言興時遊逍遙暎通津

王徽之

先師有冥藏安用羈世羅未若保冲真齊契箕山阿

王渙之

去來悠悠子披褐良足欽超跡脩獨往真契齊古今

王肅之

嘉會欣時游豁爾暢心神吟咏曲水瀨淥波轉素鱗

王彬之

鮮葩暎林薄游鱗戲清渠臨川欣投釣得意豈在魚

王蘊之

五言古詩 卷二十一 五
散豁情志暢塵纓忽已捐仰詠挹餘一作遺芳怡情味重淵

郡功曹魏滂

三春陶和氣萬物齊一歡明后欣時豐駕言暎清瀾疊
疊德音暢蕭蕭遺世難望巖愧脫屣臨川謝揭竿

鎮軍司馬虞說

神散宇宙內形浪濠梁津寄暢須臾歡尚想味古人

郡五官謝繹

縱暢任所適回波縈游鱗千載同一朝沐浴陶清塵

行叅軍徐豐之

清響擬絲竹班荆對綺疏零觴飛曲津歡然朱顏舒

徐州西平曹華

願與達人游解結遨濠梁狂吟任所適流浪無何鄉

宴集聯句

陶淵明

鳴鴈乘風飛去去當何極念彼窮居士如何不歎息淵明

雖欲騰九萬扶搖竟何力遠招王子喬雲駕庶可飭情之

顧侶正徘徊離離翔天側霜露豈不切務從忘愛翼循之

高柯濯條幹遠眺同天色思絕慶未看徒使生迷惑淵明

彭城戲馬臺集

宋江夏王義恭

騁驚辭南京弭節憇東楚懿蕃重遐望興言集僚侶于

五言詩 卷二十五
役未云淹時遷變溽暑眷戀江水流迴首獨延佇

侍宴蒜山

謝莊

龍旌拂紆景鳳蓋起流雲轉蕙方因委層華正氛氲煙
竟山郊遠霧罷江天分調石飛延露裁金起承雲

侍宴詩

沈慶之

微生遇多幸得逢時運昌朽老筋力盡徒步還南岡辭
榮此聖世何媿張子房

侍宴覆舟山

二首勅爲柳元景作

鮑照

息雨清上郊開雲照中縣遊軒越丹居暉燭集涼殿凌
高躋飛楹追焱起流宴松苑含靈羣巖庭藏物變明輝

爍神都麗氣冠華甸日遠幽情周醴洽深恩遍

繁霜飛玉闥愛景麗皇州清蹕戒一作式馳路羽蓋佇宣

游神居旣崇盛巖嶮信環周禮俗陶德聲昌會溢民謳
慙無勝化質謬從雲雨浮

在荊州與張使君李居士集聯句

橋磴支吾轍篁路拂輕鞍三尹無喜色一適或垂竿

月下登樓宴聯句

髣髴月光續紛篁霧陰樂來亂憂念酒至歇憂心鮑博

士露入覺牖高螢蜚測苑深清氣澄永夜流吹不可臨

秀延 密峯集浮碧疎瀾道瀛尋嗽玉延幽性攀桂藉知

音荀原辰意事淪晦良歡戒勿稜昭景有遺駟疏賈無

留金荀中書萬秋

移席琴室應司徒教

齊王融

雪崖似留月蘿徑若披雲潺湲石溜寫綿蠻山雨聞

同羈夜集

謝朓

積念隔炎涼驤言始今夕已對濁尊酒復此故鄉客霜

月始流砌寒蛸早吟隙幸藉京華遊邊城讌良席樵采

咸共同荆莎聊可藉恐君城闕人安能久松栢

侍筵西堂落日望鄉聯句

沈病已綿緒負官別鄉憂高城淒夕吹時見國煙浮曹丞

漠漠輕雲晚颯颯高樹秋鄉山不可望蘭卮且獻酬府君

旻高識氣迥泉渟知潦收幸遇慶筵渥方且沐恩猷紀功

芸黃先露早騷瑟一作驚暮秋舊城望已肅况乃容

悠悠何從事

閒集聯句

雨洗花葉鮮泉漫芳塘溢藉此閒賦詩聊用蕩羈疾陳郎

露霏微雨散歲蕤蕙草密預藉芳筵賞沾生信昭悉紀功

紫葵窗外舒青荷池上出既闔潁川扉且臥淮南秩

流風蕩晚陰行雲掩朝日念此蘭蕙客徒有芳菲質

何從事

宴紀功曹中園聯句

蘭亭仰遠風芳林接雲嶠傾葉順清飈脩莖佇高鶴何從

事連綿夕雲歸晡日將落寸陰不可留蘭墀豈停酌

吳郎丹纓猶照樹綠筠方解籜永志能兩忘即賞謝丘壑府君

春日宴晉熙王

梁昭明太子統

百六鍾期數三七厄時中國難悲如燬親離歎數窮藩
哲遊沮夢揚化撫邊戎幸茲同宴醕引滿愛樽空

侍始安王宴石頭

江淹

緒官承盛世逢恩侍英王結劍從深景撫袖逐曾光暮

情鬱無已流望在川陽平原忽超遠參差見南湘何如
塞北陰雲鴻盡來翔擊鏡照愁色徒坐引憂方山中如
未夕無使桂葉傷

侍宴景陽樓

一作鮑照

王僧孺

金鋪爍可鏡桂棟儼臨雲沾觴均飲德服道驗朝聞詎
論禹無間非耻堯為君小臣亦何者短翮屢追羣

前題

一云應令

庾肩吾

沐道逢將聖飛觴屬上賢仁風開美景瑞氣動非烟秋
樹翻黃葉寒池墮黑蓮承恩謝命淺念報在身前

侍宴

二首

王僧孺

麗景屬春餘清陰澄夏首交枝隱脩逕迴流影遙阜徙
帷轆輕筠移鑿拂高柳去矣勞茂績勉哉報嘉誘小臣
良不才涓塵愧所守何用勝雕斲譬木良如朽
迴輿避暑宮下輦迎風館散漫輕烟轉霏微商雲散蔓
草亘巖垂高枝起天半回風稍驚水落光漸斜岸妙儂
駐行雲清歌入層漢睟顏暢有懌德音良已粲

侍宴宣猷堂

應令

庾肩吾

副君德將聖陳王才揆天歸來宴平樂置酒對林泉鑪
香雜山氣殿影入池漣艷舞時移節新歌屢上絃聽曲
慙迴顧思經徒欲眠

侍宣猷堂宴湘東王

應令

陳王騫駕反副后西園遊並命登飛閣列坐對芳洲桂
巖逢暮序菊水值窮秋竹逕簫聲發桐門琴曲愁
徒奉文成誦空知思若抽

侍宴

應令

副君時暇豫曾城聊近遊清池寫飛閣疎樹出龍樓北
陸冰方壯西園春欲周梅心芳屢動蒲節促難抽徒然
欣並命無以廁應劉

光華殿侍宴賦競病韻

曹景宗

去時兒女悲歸來笳鼓競借問行人何如霍去病

五言古詩 卷二十一 侍宴

二首 一作任昉

劉孝綽

清宴延多士鴻漸濫微薄臨炎出蕙樓望辰躋茵閣上
征切雲漢俛眺周京洛城寺鬱參差街衢紛漠漠禁林
寒氣晚方秋未搖落皇心重發志賦詩追並作自昔承
天寵於茲被人爵選言非綺綃何以儷金鑊
茲堂乃峭嶠伏檻臨曲池樹中望流水竹裏見攢枝欄
高景難蔽岫隱雲易垂邂逅逢休幸朱蹕曳青規丘山
不可答葵藿空自知

侍宴集賢堂

應令

北閣時旣啓西園又已闢宮屬引鴻鸞朝行命金碧伊

臣獨何取隆恩徒自昔布武登玉墀委坐陪瑤席綢繆
參宴笑淹留奉觴醪壺人告漏晚煙霞起將夕反景入
池林餘光映泉石

侍宴離亭

應令

輶轅東北望江漢西南永羽旗映日移鏡吹臨風警令
王愍追送纚舟宴俄頃掩袂眺征雲銜杯惜餘景首燕
徒有心局步何由騁

侍宴

應令 一云擬劉公幹

副君西園宴陳王謁帝歸列位華池側文雅縱橫飛小
臣輕蟬翼黽勉謬相追置酒陪朝日淹留望夕霏

陪徐僕射晚宴

夫君追宴喜十日遞來過築室華池上開軒臨芰荷方塘交密篠對雷接繁柯景移林改色風去水餘波洛城雖半掩愛客待驪歌

陸東海譙山集

江淹

杳杳長役思思來使情濃恒忌光氛度藉蕙望春紅青莎被海月朱華冒水松輕風暖長嶽雄虹赫遠峯日暮崦嵫谷參差綵雲重永願白沙渚遊衍遂相從丹山有琴瑟不爲憂傷容

無錫縣歷山集

愁生白露日思起秋風年竊悲杜蘅暮擘涕弔空山落葉下楚水別鶴噪吳田嵐氣陰不極日色半虧天酒至情蕭瑟憑樽還惘然一聞清琴奏獻泣方留連况乃客子念直置絲竹間

外兵舅夜集

丹林一葉舊碧草從此空煙光拂夜色華舟盪秋風歛意悵何已極望情思中瑤瀾窈以晏若采能幾終暮心亦誰寄江臯桂有叢

劉僕射東山集

蕭蕭雲色滋惟愛

一作憂

起長思喬木嘯山曲征鳥怨水

五言古詩 卷二十一 十四
湄共惜玉樽暮願是一作使光陰遲紳裳視絕雲銜意方
此時誦飭江臯駕終從海濱詩

登鍾山燕集望西靜壇

吳均

客思何以緩春郊滿初律高車陸離至駿騎差池出寶
椀沉蓮花珍杯食竹實才勝商山四文高竹林七復望
子喬壇金繩蘊綠帙風雲生屋宇芝映被仙室方隨鳳
凰去悠然駕白日

王侍中夜集

抽蘭開石路剪竹製山屏文淪見綠水參差隱翠微西
山採藥至東都謝病歸紡毛織野服縫芰作山衣欲知

三青鳥簷上素雲飛

集范廣州宅聯句

何遜

濛濛夕煙起奄奄殘暉滅非君愛滿堂寧我安車轍

燕集聯句

弊履常決踵眉高起半額曼倩爾何爲獨歎長安索遜
工商旣慙巧農士聊相易蠅腹有餘資鴻眉方可拍江
攝職媿握蘭濫官悲執戟連章旣不敏高談豈能劇孺
逸翮任奮飛窘步事羈勒還鳥余能繫流言爾無惑革
憂懷乃千載永懽常數刻直是悲別離非關念通塞遜
日照汀沙素山影波浪黑爾限大江南余歸茂陵北孺

晚宴文思殿

陳後主

晚日落餘暉宵園翠蓋飛荷影侵池浪雲色入山扉螢
光息復起暗鳥去翻歸樂極未言醉杯深猶恨稀

宴唐事陸繕省

禁闈九重中宴賞三春日雲收上樹隱葉長宮槐密水
綠已浮苔花舒正含實

侍宴

入隋應詔

日月光天德山河壯帝居太平無以報願上東封

一作萬年

書

侍宴

徐陵

園林才有熱夏淺更勝春嫩竹猶含粉初荷未聚塵承
恩豫下席應阮獨何人

御幸樂遊苑侍宴

張正見

大君臨四表榮光普八埏區中文化洽海外武功宣鳳
下書丹篆龜符著綠編昆明不習戰雲夢豈遊畋軌文
通萬國旌節靖三邊高秋藐姑射睿想屬汾川兩宮明
合璧雙闕帶非煙揚鑿出城觀詔蹕指郊壘禁苑迴雕
輦離宮建翠旃流水犇雷轂追風赴電鞭畫熊飄析羽
金埒響膠弦鳴玉升文砌稱觴溢綺筵獸舞依鍾石鸞
歌應管弦霞明黃鵠路風爽白雲天潦收荷蓋折露重

菊花鮮上林賓早鴈長楊唱晚蟬小臣慚藝業擊壤慕
懷鉛康衢飛駛羽大海滴微涓詠歌還集木舞蹈遂臨
淵願薦南山壽明明奉萬年

秋日侍宴婁苑湖

應詔

江總

翠渚還鑿輅瑤池命羽觴千門響雲蹕四澤動榮光玉
軸昆池浪金舟太液張虹旗照島嶼鳳蓋繞林塘野靜
重陰闊淮秋水氣涼霧開樓闕近日迴烟波長洛宴諒
斯在鎬飲詎能方朽劣叨榮遇簪笏奉周行

宴樂修堂

應令

肅城通甲觀承華啓畫堂北宮降恩賞西園度羽觴殊
私奉玉裕終宴在金房庭暉連樹彩簷影接雲光仙如
伊水駕樂似洞庭張彈絲命琴瑟吹竹動笙簧庸踈濫
應阮衰朽忝連章

侍宴玄武觀

詰曉三春暮新雨百花朝星宮移渡罕天駟動行鑣旆
轉蒼龍闕塵飛飲馬橋翠觀迎斜照丹樓望落潮鳥聲
雲裏出樹影浪中搖歌吟奉天詠未必待聞韶

侍宴臨芳殿

一作柳營

鍾箭自一作徘徊皇堂薦羽杯橋平疑水落石迴見山
開林前暝色靜花處近香來西崕傷撫夕北閣濫游陪

侍宴瑤泉殿

水亭通杵詣石路接堂皇
野花不識采旅竹本無行
雀驚疑欲曙蟬噪似含涼
何言金殿側亟奉瑤池觴

賜宴聯句用酒韻

北魏節閔帝

既逢堯舜君願上萬年壽
薛孝通平生好玄默慚為萬國

首帝

又用忠韻

聖主臨萬機享世永無窮
元龜豈唯被豐草方亦及昆蟲

孝通朝賢既濟濟野苗又芄芄
元龜君臣體魚水書軌一華

戎帝微臣信慶渥何以答華嵩
孝通

晚春宴

一作齊韋道遜

北齊邢邵

日斜賓館晚風輕麥候初
簷喧巢幕燕池躍戲蓮魚
石聲隨流響桐影傍巖踈
誰能千里外獨寄八行書

後園宴

魏收

束馬輕燕外獵雉陋秦中
朝車轉夜轂仁旗指旦風
式宴臨平圃展衛寫屠穹
積巖疑造化導水逼神功
樹靜歸煙合簾踈反照通
一逢堯舜日未假北山叢

公館讌

酬南使徐陵

裴讓之

嵩山表京邑鍾嶺對江津
方域殊風壤分野各星辰
出境君圖事尋盟我恤鄰
有才稱竹箭無用忝絲綸
列樂

五言古詩 卷二十五
歌鍾響張旃玉帛陳皇華徒受命延譽本無因韓宣將
聘楚申胥欲去秦方期一作當飲河朔翻屬臥漳濱禮酒
盈三獻賓筵盛八珍歲稔鳴銅雀兵戢坐金人雲來朝
起蓋日落晚摧輪異國猶兄弟相知無舊新

鄴館公讌

裴訥之

晉楚敦盟好僑札同心賞禮成樽俎陳樂和金石響朝
雲駕馬進曉日乘龍上雙闕表皇居三臺映仙掌當階
篁篠密約岸荷蕖長束帶盡欣娛誰言鴛歸兩

羣公高宴

楊訓

中郎敷奏罷司隸坐朝歸開筵引貴客饌玉對春暉塵
起金吾騎香逐令君衣綠酒犀爲枕鳴琴寶作徽寸陰
良可惜千金本易揮

宴詩

周高琳

寄言寶車騎爲謝霍將軍何以報天子沙漠靜妖氛

對宴齊使

庾信

歸軒下賓館送蓋出河堤酒正離杯促歌工別曲悽林
寒木皮厚沙迴鴈飛低故人儻相訪知余已執珪

聘齊秋晚館中宴

欣茲河朔飲對此洛陽才殘秋欲屏扇餘菊尚浮杯漳
流鳴二水日色下三臺無因侍清夜同此月徘徊

集周公處聯句

市朝一朝變蘭艾本同焚故人相借問平生如所聞

雲中受突厥主朝宴席賦

隋煬帝

鹿塞鴻旗駐龍庭翠輦回羶帷一作帳望風舉穹廬向日

開呼韓頓顙至屠耆接踵來索辮擎羶肉韋韝獻酒杯

何如漢天子空上單于臺

宴東堂

雨罷春光潤日落暝霞暉海榴舒欲盡山櫻開未飛清

音出歌扇浮香飄一作颺舞衣翠帳全臨戶金屏半隱扉

風花意無極芳樹曉禽歸

奉和

劉端

睿賞叶春芳開筵臨畫堂庭梅飄早素簷柳變初黃八

珍羅玉俎九醞湛金觴箏響流飛閣歌塵落妓行何必

西園夜空承明月光

侍宴東宮

于仲文

銅樓克震位銀榜集嘉賓青宮列緝憶紫陌結朱輪弦

調寶瑟曲歌動畫梁塵金卮傾斗酒瓊筵列八珍花驚

度翠羽萍散躍頰鱗承恩叨竝作扣一作和寂繞陽春

巢王座韻得餘字

薛昉

平臺愛賓客縫掖齒簪裾藉卉懷春暮開襟近夏初嫩

五言古詩 卷二十一
枝猶露鳥細藻欲藏魚舞袖臨飛閣歌聲出綺疏莫慮
歸衢晚馳輪待興餘

侍皇太子宴

沈君道

副君監撫暇禁苑暫停車水落金沙淺雲高玉葉踈隨
厨白羽駕逐釣紫鱗魚飽德良無已榮陪終宴餘



#811.12
2342